

#RSABUDGET2025

Kgatiso e kopanetsweng ke Lefapha la Matlotlo la Naha le la Ditshebeletso tsa Lekgetho (SARS)

#RSA Budget

#RSABudget2025

E PHATLALADITSWE KE



national treasury
Department:
National Treasury
REPUBLIC OF SOUTH AFRICA

Tel: (012) 315 5100

Media@treasury.gov.za

www.treasury.gov.za

TLHAHISOLESING

BAJETE
KE ENG?

BAJETE
E ETSWA
JWANG?

Pele ho selemo se setjha sa ditjhelete, Letona la Ditjhelete le teka bajete ya naha, moo le phatlalatsang tshebediso ya ditjhelete, lekgetho le merero ya kadimo ya ditjhelete dilemong tse tharo tse tlang. Bajete e aba tjhelete pakeng tsa mafapha a naha, diprofense le dimasepala.

1. Mafapha a phatlalatsa boitsebiso bo hlokalahalang ba bajete
2. A thathamisa mananeo a ona, merero ya ditjhelete le ya ho fana ka ditshebeletso
3. Ditshebeletso di romelwa ho Lefapha la Matlotlo

4. ho sekwasakwa
4. Kobo ya ditshebeletso e nahanelwa ke dikomiti tse ikgethang tsa Molaodi-Kakaretso
5. Dikgothaletso di fuwe Komiti ya Letona

6. Puo ya Nako e Mahareng ya Bajete e supa ho qetwa ha Bajete
7. Kobo ya moshwelella e etswa ke Kabinete
8. Ho hlophiswe ditokomane tsa Bajete

9. Bajete ya tekwa
10. Tshekatsheko le kamohelo ka Palamente
11. Bajete e romelwa ho Mopresidente ho tekenelwa hoba molaong



HO AKARETSA BOHLE KGOLONG YA NAHA LE MORUNG O TSITSITENG

MNR. ENOCH GODONGWANA
LETONA LA TSA DITJHELETE

Ho rarolla bothata bo boholo ba naha le ho ntlafatsa bophelo naheng, Afrika Borwa e hloka ho hodisa moruo le ho theha mesebetsi. Ho hlokalahala ditheko le tjhelete ya setjhaba tse tsitsitseng, motlakase o eketsehileng, ho tsamaisa thepa ka potlako, ditshebeletso tsa puso tse tshepahalang le botsedi bo matla diprojekeng tsa meralotheo.

Bajete ya 2025 e theha maano a hlalefileng ho finyella kgolo ya moruo ka potlako, e shebile haholo motlakase, diterene, metsi le diprojeke tse ntlafatsang dipalanngwa.

Le hoja moruo o ne o se matla ka 2024, ho tloha ka 2025 ho ya pele ho bonahala o le betere. Nakong e mahareng, moruo o lebelletswe ho hola ka 1.6% ka selemo, hape katleho ya diphetoho



Puso e tswelapele ho tshehetsa mafutsana ka ho aba haholo ho thuto, bophelo bo botle le ntshetsopele ya setjhaba

e ka baka kgolo. Makala a motlakase le dipalanngwa a tswelapele hantle, ha dintlafatso tse ntjha di shebane le botsitso le ntlafatso ya phepele ya metsi. Tjhelete ekabang R1.03 trillion e tla sebediswa diprojekeng tse fapaneng dilemong tse tharo tse tlang.

Puso e tswelapele ho tshehetsa mafutsana ka ho tsetela haholo ho thuto, bophelo bo botle le ntshetsopele ya setjhaba.

Nakong e mahareng, puso e rera ho tsetela ho ntlafatseng thuto ya bana ba ba nyane (ECD), hore bana ba eketsehileng ba e fumane. Hape e

rera ho hira dingaka tse sa sebetseng empa di phethetse tsebeletso ya setjhaba.

Grante ya nakwana ya COVID-19 SRD e tla atoloswa ho fihlela Hlakubele 2026, ka 2026/27 le 2027/28 dikabelo tsa nakwana di tla fumaneha.

Ho fokotsa ha dikoloto, ho tla fokotsa tjhelete eo puso e e sebedisang ho lefella dikoloto tseo. Qetellong, phokotso ena e tla thusa mmuso ho laola ditjhelete hantle le ho hodisa moruo. Ha tswala ya sekoloto e fokotseha, lekeno le

eketsehileng le tla fumaneha, la sebediswa dikarolong tse kang thuto, tlhokomelo ya bophelo bo botle le meralotheo.

Qalong ya 1 Tshitwe 2024, Afrika Borwa e ntse e tshwere bopresidente ba G20. Bopresidente bona bo nkang selemo, bo tla shebana le ho kgothalletsa kgolo ya moruo e kenyeletsang bohle le e tsitsiteng mme bo sebetsane le bofuma. Ofisi ya mopresidente e lebelletswe ho matlafatsa tshebetso ya moruo, haholoholo makaleng a kang a bohahlaudi le kamohelo ya baeti.



Nakong e mahareng, matsete a makala a setjhaba le a poraefete a tla eketseha e le peresente e itseng ya GDP, se bontshang kgatelopele boitekong ba naha ba ho hodisa kgolo ya moruo.

Le hoja, kgolo e potlakileng e hlokeha ho sebetsana le diphephetso tse tswelang pele tsa kgolo e tlase, tlhokeho e kgolo ya mesebetsi le bofuma.

Mmuso o theha maano a

tla eketsa matsete a meralotheo le ho kgothaletsa bonkakarolo ba dikhamphani tsa poraefete. Diphetoho tsena di tla nolofatsa hore khamphani ya poraefete e sebetsemoho le setheo sa puso ho etsa diprojeke, ho ntlafatsa tsela eo mmuso o rerang ka yona bakeng sa meralotheo le ho matlafatsa boikarabelo ba mafapha le ditheo tsa mmuso. Ka kopanelo, diphetoho tse sisintsweng tsa meralotheo di tla

“...ho kenngwa tshebetsong ha diprojeke tsa meralotheo ka potlako, ho atolosa phihlello ya ditshebeletso tsa motheo le ho hlahisa mesebetsi”

ntlafatsa thero, phano ya ditjhelete le ho kenngwa tshebetsong ha diprojeke tsa meralotheo ka potlako, ho atolosa phihlello ya ditshebeletso tsa motheo le ho hlahisa mesebetsi.

Puso e tla sebedisa R1.03 trilione ho meralotheo sehle se mahareng. Botsedi ba tsa meralotheo, haholoholo ka dikhamphani tsa mmuso, bo etsa 81.5% tsa tekanyetso ya sehla se mahareng. Tjhelete ena e tla sebediswa ho atolosa bokgoni ba phepele ya motlakase, ho ntlafatsa le ho atolosa dipalanngwa le ho ntlafatsa ditshebeletso tsa dikgwerekgwere le metsi. Meralotheo ya ditshebeletso tsa setjhaba, ho akaretsa tsa bophelo bo botle le thuto, di etsa 15.5% tsa tshebediso ya tjhelete. Tse ding tsa diprojeke tsena di hloka tjhelete e eketsehileng ho tswa ho boramatsete ba ikemetseng, ha tse ding di tla etswa ka kopanelo ke dikhamphani tse ikemetseng le tsa puso.

DINTLHAKGOLO TSA BAJETE YA 2025

1. Ditshebeletso tsa setjhaba – ntshetsopele ya setjhaba, khiri, bophelo bo botle, thuto le tshireletso - karolelano ya 61% ya tjhelete e sebediswang ntle le tswala nakong e mahareng.
2. Digrante tsa motjhaotjhele di tla phahamela infleishene ka 2025/26 ho kgahlanyetsa ditshenyehelo tse hodimo tsa bophelo; COVID-19 SRD e tla tswelapele ho fihlela 31 Hlakubele 2026.
3. Ntshetsopele ya moruo ke yona e holang ka potlako, ka karolelano ya 8.2% ka selemo nakong e mahareng, e hlohlelletswa ke dikabo tse phahameng tsa meralotheo.
4. Ditlahiso tse ka sehloohong tsa lekgetho – ho se be le tlhophisobotjha ya infleishene masakaneng a lekgetho; ditheolelo le mekitlane ya lekgetho la bongaka; tlhophisobotjha ya infleishene ho lekgetho la mafura; le ho phahama ha infleishene ka hodimo ho tefiso ya lekgetho.
5. Ka 2025/26, sekoloto sa mmuso se tla tsitsisa ho fihlella 77.4% ya GDP.
6. Kgolo ya nnete ya moruo e lebelletswa ho nyolohela ho 1.4% ka 2025.
7. Nakong e mahareng, R180.1 bilione bakeng sa kgaello ya tjhelete, ho akaretsa dikabo tsa nakwana bakeng sa mafapha a ka sehloohong a phano ya ditshebeletso.

BONA LEQEPHE LE LATELANG



HO HLOMELLA KGOLO KA HO FETOLA TSELA YA HO SEBETSA

Moruo wa Afrika Borwa o tobane le mathata a ho kgaoha ha motlakase, tsamaiso e fokolang ya dipalanngwa, botlokotsebe le bobolu bo atileng, tse fedisiteng tshepo moruong le tshebetso e seng ntle.

Mokgahlelo wa pele wa Operation Vulindlela o rerile ho fokotsa ho kgaoha ha motlakase, ho lokisa dipalanngwa, ho theola diporeise tsa datha, ho eketsa phepele ya metsi, ho hohela ditsebi sa mosebetsi le ho tshehetsa bohahlaudi.

Dintlafatso tse tlang, di tla shebana le ho nolofatsa phumano ya mosebetsi le khiri – haholoholo ka ho rarolla ho se lekane ha dibaka, ho sebedisa ditoropo ho hlohlelletsa moruo le ho ntlafatsa ditshebeletso tsa dimasepala.

KHIRO YA SETJHABA YA MATLAFATSWA

Leha palo ya ba sebetsang e ne e le dimilione tse 16.8 kotareng ya pele ya 2025, sekgahla sa tlhokeho ya mesebetsi se phahame, 32.9%.

Mananeo a khiri ya sechaba (PEPs) a bohlokwa ho rarolleng tlhokeho ya mesebetsi e atang.

Li-PEP di tla fuwa R8.8 bilione e eketsehileng ka 2025/26. Ba tla rua molemo ba kenyelletsa:

- **Lefapha la Thuto ya Motheo:** R5.8 bilione ho hira dikolong.
- **Lefapha la Dipapadi, Bonono le Setso:** R0.35 bilione ho hlohlelletsa boqapi.
- **Lefapha la Kgwebo, Indasteri le Ditlhodisano:** R1.3 bilione Letlole la Khiri ya Setjhaba.
- **Lefapha la Matlotlo:** R0.45 bilione Lenaneo la Khiri Ditoropong.




- **Setsi sa Naha sa Ntlafatso ya Batjha:** R0.55 bilione ditshebeletso ng tsa batjha.
- **Lefapha la Khiri le Basebetsi:** R0.35 bilione bakeng sa mananeo a kang National Pathway Management Network, Innovation Fund le diintheneshipi Hape, Lefapha la Matlotlo, Kantoro

ya Mopresidente le ditheo tse ding tsa mmuso, di qadile ho lekola mananeo a ka sebetsang mebarakeng ya basebetsi, ho di-PEP le ho tsamaiso ya tshehetso ya setjhaba ho ntlafatseng mesebetsi.


Ka matsapa ana, puso e nahana hore e ka kgatha tema e kgolo ho fokotseng tlhokeho ya mesebetsi.

1 MEHLODI YA LEKENO LA TJHELETE YA MMUSO KA 2025/26



R 2 021.6 bn	78.4%	LEKGETHO
R 377.9 bn	14.6%	HO ADIMA
R 179.7 bn	7.0%	MEHLODI E MENG NTLE HO MAKGETHO

2 TSHEBEDISO YA TJHELETE YA MMUSO KA 2025/26



R 426.3 bn	16.5%	DITSHEBELETSA HO LAOLA SEKOLO
R 420.1 bn	16.3%	NTSHETSOPELE YA DITSHEBELETSA TSA SETJHABA
R 346.5 bn	13.4%	THUTO YA MOTHEO
R 296.1 bn	11.5%	BOPHELO BO BOTLE
R 289.8 bn	11.2%	NTSHETSOPELE YA MORUO
R 280.4 bn	10.9%	NTSHETSOPELE YA SETJHABA
R 263.2 bn	10.2%	KGOTSO LE TSHIRELETSA
R 146.6 bn	5.7%	THUTO LE KWETLISO YA KAMORA SEKOLO

3 DIGRANTE TSA SETJHABA

	2024/25	2025/26
GRANTE YA BOQHEKU	R2 185	R2 315
GRANTE YA BAHALE BA NTWA	R2 205	R2 335
GRANTE YA BA QHWADILENG	R2 185	R2 315
GRANTE YA KGODISO YA NGAWANA EO E SENG WA MADI	R1 180	R1 250
GRANTE YA BANA BA QHWADILENG	R2 185	R2 315
GRANTE YA KGODISO YA BANA	R530	R560
GRANTE YA HO HLOKOMELA BA SA KGONENG HO ITLHOKOMELA	R530	R560



19.3 milione

Palo ya batho ba tla fumana digrante ka Hlakubele 2028

Bajete e tla eketsa boleng ba digrante tsa motjhaotjhele ho phahamela infleishene ka 2025/26.

4 BAJETE E TSHEHETSA KGOLO YA MORUO, HO THEHA MESEBETSI LE NTSHETSOPELE YA SETJHABA




1.4 diperesente

kgolo ya nnete ya GDP e lebelletswe ka 2025.



61 diperesente

ya tjhelete ya mmuso e ya ntshetsongpele ya setjhaba, khirong, bophelo bo botle, thuto le tshireletso nakong e mahareng.



R35.2 bilione

tjhelete e eketsehileng e abetsweng ho atolosa *Thuso ya Setjhaba ya COVID-19* ho fihlela ka Hlakubele 2026.



R871.3 bilione

e abetswe ditshebeletso tsa motheo, matlo le dipalanngwa tsa setjhaba, ho ntlafatsa bodulo le ditoropo nakong e mahareng



R900.5 bilione

bakeng sa tlhahiso, dikgwebo tse nyane le mananeo a mesebetsi ya setjhaba nakong mahareng ho hlasimolla kgolo ya moruo kgolo le theho ya mesebetsi.


5 MANANEO A MESEBETSI YA SETJHABA



R8.8 bilione

e eketsehileng e abilwe bakeng sa mananeo a khiri ya setjhaba ka 2025/26 ho tshehetsa mekgwa ya boiphediso, ho tsamaisa diphetoho le ho kgontsha tlhahiso ya mesebetsi.

6 DITEFELLO TSA PUSO TSE NANG LE TSWALA LE TSE SE NANG TSWALA E LE KAROLO YA DITSHENYHELO



DITSHISINYO TSA LEKGETHO TSA 2025



LEKGETHO LA LEKENO LA MOTHO

DITEFISO TSA LEKGETHO LA LEKENO LA MOTHO DI O AMA JWANG?

Lekgetho la lekeno la motho ka mong le ditheolelo tsa lekgetho ha di so fetolwe ho tloha ka 2023. Tjhelete eo motho a lokelang ho e amohela pele ho hloka hloka a lefe lekgetho bakeng sa selemo sa lekgetho ho tloha ka la 1 Hlakubele 2025 ho isa ho la 28 Hlakola 2026 ke e latelang:

SELEKANYETSO SA LEKGETHO	SELEMO SA LEKGETHO: 2025/26
Ka tlase ho dilemo tse 65	R95 750
Dilemo 65 - 75	R148 217
Dilemo 75 le ho feta	R165 689

Dikarolo tsa tjhelete e kgutliswang ya lekgetho ke tse latelang:

DITHEOLELO TSA LEKGETHO	SELEMO SA LEKGETHO: 2025/26
Ba ka sehloohong (batho bohle)	R17 235
Ba mahareng (dilemo tse 65 le ho feta)	R9 444
Mekaubere (dilemo tse 75 le ho feta)	R3 145

LEKGETHO LA JWALA LE KWAE

DINYOLLELO LEKGETHONG LA JWALA LE KWAE

Ditefiso tse ikgethileng tsa dino tse tahang di eketsehile ka diperesente tse 6.75 ha dihlahiswa tsa kwae tsona ka diperesente tse pakeng tsa 4.75 le 6.75, ho tloha ka la 12 Hlakubele 2025.

	E EKETSWA KA:
Biri ya mmela	16c bakeng sa lekotikoti la 340ml
Veine e sa tswakwang	29c bakeng sa botlolo ya 750ml
Veine e tswakilweng	48c bakeng sa botlolo ya 750ml
Veine e tshikgunyang	90c bakeng sa botlolo ya 750ml
Disaeda le jwala ba ditholwana	16c bakeng sa lekotikoti la 340ml
Disepiriti	R5.97 bakeng sa botlolo ya 750ml
Disakarete	R1.04 bakeng sa pakete e nang le di kwae tse 20
Dithupa tsa kwae tse futhumatswang	77c bakeng sa pakethe e nang le di kwae tse 20
Kwae (Cigarette tobacco)	R1.16 bakeng sa 50g
Kwae e tsubuwang ka dipeipi	50c bakeng sa 25g
Disikara	R8.49 bakeng sa 23g
Disebediswa tsa elektronike tse sebedisang le tse sa sebediseng nikhothini	14c bakeng sa ml



DITEFELLO TSA LEKGETHO

LEKGETHO LA LEKENO: LA MOTHO KA MONG

Lekgetho le lefuwang ke batho ka bomong bakeng sa selemo sa lekgetho se qetellang dipakeng tsa 1 Hlakubele 2025 le 28 Hlakola 2026.

Lekeno (R)	Ditefello tsa Lekgetho (R)
R0 ho isa ho R237 100	18% ya lekeno
R237 101 ho isa ho R370 500	R42 678 + 26% ya lekeno le fetang R237 100
R370 501 ho isa ho R512 800	R77 362 + 31% of ya lekeno le fetang R370 500
R512 801 ho isa ho R673 000	R121 475 + 36% ya lekeno le fetang R512 800
R673 001 ho isa ho R857 900	R179 147 + 39% ya lekeno le fetang R673 000
R857 901 ho isa ho R1 817 000	R251 258 + 41% ya lekeno le fetang R857 900
R1 817 001 ho ya hodimo	R644 489 + 45% ya lekeno le fetang R1 817 000

Mohlodi: Lefapha la Matlotlo la Naha

LEKGETHO LA HO REKISA MEAHO/THEPA

Tafole ya tefiso ya lekgetho e lekotswengbotjha e tla qala ho sebetisa ho tloha ka la 1 Hlakubele 2025. R1 210 000 ya pele ya thepa ha e lefelle lekgetho. Tafole e ntjha ya ditefiso e tjena:


Boleng ba Thepa	Ditefello tsa Lekgetho
R0 ho isa ho R1 210 000	0% ya boleng ba thepa
R1 210 001 ho isa ho R1 663 800	3% ya boleng bo ka hodimo ho R1 210 000
R1 663 801 ho isa ho R2 329 300	R13 614 + 6% ya boleng bo ka hodimo ho R1 663 800
R2 329 301 ho isa ho R2 994 800	53 544 + 8% ya boleng bo ka hodimo ho R1 663 800
R2 994 801 ho isa ho R13 310 000	R106 784 + 11% ya boleng bo ka hodimo ho R2 994 800
R13 310 001 ho ya hodimo	R1 241 456 + 13% ya boleng bo ka hodimo ho R13 310 000

Mohlodi: Lefapha la Matlotlo la Naha

LEKGETHO LA MAFURA

Lekgetho la mafura ho peterolo le nyoloha ka 16c hoba R4.01 bakeng sa litara, diesel yona ka 15c hoba R3.85 bakeng litara ho tloha ka la 4 Phuptjane 2025.

Scan this QR code
for the PDF version of
this People's Guide
to the Budget



**MAIKUTLO
A HAO A
BOHLOKWA**

NA O FUMANE TATAISO ENA YA BATHO MABAPI LE BAJETE E LE MOLEMO?

Re dula re batla ditsela tse ntjha tsa ho ntlafatsa tataiso ena mme re ka thabela ha o ka romela **maikutlo le ditshisinyo** tsa hao ho Media@treasury.gov.za.